



EUROPEAN COURT OF HUMAN RIGHTS
COUR EUROPÉENNE DES DROITS DE L'HOMME

ԱՌԱՋԻՆ ԲԱԺԱՆՄՈՒՆՔ

ՈՐՈՇՈՒՄ

Գանգատ թիվ 25968/16

Վահագն ԴԱՎԹՅԱՆՆ ընդդեմ Հայաստանի

եւ երեք այլ գանգատներ

(տե՛ս կից աղյուսակը)

Մարդու իրավունքների եվրոպական դատարանը (Առաջին բաժանմունք),
2020 թվականի սեպտեմբեր 3-ին հանդես գալով Կոմիտեի հետեւյալ կազմով՝

Քրշիշթոֆ Վոյտիչեկ [Krzysztof Wojtyczek]՝ *Նախագահ,*

Լինոս-Ալեքսանդր Սիցիլիանոս [Linos-Alexandre Sicilianos],

Արմեն Հարությունյան [Armen Harutyunyan]՝ *դատավորներ,*

եւ Լիվ Տիգերշտեդտ [Liv Tigerstedt]՝ *Բաժանմունքի քարտուղարի տեղակալի
պաշտոնակատար,*

հաշվի առնելով կից աղյուսակում նշված տարբեր ամսաթվերին
ներկայացված վերը նշված գանգատները,

հաշվի առնելով գործը բարեկամական ճանապարհով կարգավորելու
վերաբերյալ պաշտոնական հայտարարությունները,

անցկացնելով խորհրդակցություն, որոշեց հետեւյալը.

ՓԱՍՏԵՐԸ ԵՎ ԸՆԹԱՑԱԿԱՐԳԸ

Դիմումատուների եւ նրանց ներկայացուցիչների ցանկը ներկայացված է կից աղյուսակում:

Դիմումատուների՝ իրենց կալանքի համար դատարանների կողմից համապատասխան եւ բավարար պատճառներ չներկայացնելու վերաբերյալ Կոնվենցիայի 5-րդ հոդվածի 3-րդ կետի համաձայն ներկայացված բողոքներն ուղարկվել են Հայաստանի կառավարություն (Կառավարություն): Որոշ դիմումատուներ բողոքներ են ներկայացրել նաեւ Կոնվենցիայի 5-րդ հոդվածի 1-ին կետի «գ» ենթակետի համաձայն:

Դատարանն ստացել է գործը բարեկամական ճանապարհով կարգավորելու վերաբերյալ հայտարարություններ, համաձայն որոնց՝ դիմումատուները համաձայնել են հրաժարվել Կոնվենցիայի 5-րդ հոդվածի 3-րդ կետի համաձայն ներկայացված բողոքների համար հիմք հանդիսացած փաստերի առնչությամբ ընդդեմ Հայաստանի հետագա պահանջներից՝ պայմանով, որ Կառավարությունը պարտավորություն կստանձնի իրենց վճարելու կից աղյուսակում մանրամասնորեն ներկայացված գումարները: Այդ գումարները պետք է փոխարկվեն պատասխանող պետության արժույթով՝ վճարման օրվա դրությամբ գործող փոխարժեքով, եւ պետք է վճարվեն Դատարանի որոշման մասին ծանուցվելու օրվանից երեք ամսվա ընթացքում: Այդ գումարները նշված եռամսյա ժամկետում չվճարելու դեպքում Կառավարությունը պարտավորվում է այդ ժամկետը լրանալու օրվանից մինչեւ վճարման օրն այդ գումարների համար վճարել պարզ տոկոսներ՝ չկատարման ժամանակահատվածում Եվրոպական կենտրոնական բանկի սահմանած՝ լոմբարդային ռեպոյի տոկոսադրույքի չափով՝ գումարած երեք տոկոսային կետ:

Վճարումը համարվում է գործերի վերջնական լուծում:

ԻՐԱՎՈՒՆՔԸ

Հաշվի առնելով գանգատների համանման խնդրո առարկան՝ Դատարանը նպատակահարմար է գտնում դրանք քննել համատեղ՝ մեկ որոշմամբ:

Դատարանը հաշվի է առնում կողմերի միջեւ գործը բարեկամական ճանապարհով կարգավորելու վերաբերյալ ձեռք բերված համաձայնությունը: Դատարանը բավարարված է համարում այն պայմանը, որ համաձայնությունը հիմնված է մարդու իրավունքների նկատմամբ հարգանքի վրա, ինչպես սահմանված է Կոնվենցիայով եւ դրան կից արձանագրություններով, եւ որեւէ պատճառ չի տեսնում գանգատների հետագա քննությունն արդարացնելու համար:

Հաշվի առնելով վերոնշյալը՝ նպատակահարմար է գործերը հանել քննվող գործերի ցուցակից՝ կապված կալանքի համար համապատասխան եւ բավարար պատճառների բացակայության վերաբերյալ Կոնվենցիայի 5-րդ հոդվածի 3-րդ կետի համաձայն ներկայացված բողոքների հետ:

Դիմումատուները թիվ 25968/16 եւ 47326/16 գանգատներում բողոքներ են ներկայացրել նաեւ Կոնվենցիայի 5-րդ հոդվածի 1-ին կետի «գ» ենթակետի համաձայն:

Դատարանը քննել է սույն գանգատները եւ համարում է, որ իր տիրապետման տակ գտնվող ամբողջ նյութի լույսի ներքո եւ այնքանով, որքանով բողոքարկվող հարցերը գտնվում են իր իրավասության շրջանակներում, այդ բողոքները կա՛մ չեն համապատասխանում Կոնվենցիայի 34-րդ եւ 35-րդ հոդվածներով սահմանված ընդունելիության չափորոշիչներին, կա՛մ չեն բացահայտում Կոնվենցիայով կամ դրան կից արձանագրություններով ամրագրված իրավունքների եւ ազատությունների խախտման որեւէ դրսեւորում:

Այստեղից հետեւում է, որ գանգատների այս մասը պետք է մերժվի՝ Կոնվենցիայի 35-րդ հոդվածի 4-րդ կետին համապատասխան:

Այս հիմնավորմամբ Դատարանը միաձայն՝

Որոշում է միացնել գանգատները.

Որոշում է գանգատները Կոնվենցիայի 39-րդ հոդվածին համապատասխան հանել իր գործերի ցուցակից՝ կապված կալանքի համար համապատասխան եւ բավարար պատճառների բացակայության վերաբերյալ բողոքների հետ.

Հայտարարում է թիվ 25968/16 եւ 47326/16 գանգատների մնացած մասն անընդունելի:

Կատարված է անգլերենով եւ գրավոր ծանուցվել է 2020 թվականի սեպտեմբերի 24-ին:

Լիլ Տիգերշտետ

Քրիշթոֆ Վոյտիչեկ

Քարտուղարի տեղակալի

Նախագահ

պաշտոնակատար

ՀԱՎԵԼՎԱԾ

Կոնվենցիայի 5-րդ հոդվածի 3-րդ կետի համաձայն ներկայացված բողոքներ պարունակող գանգատների ցանկ

(կալանքի համար համապատասխան եւ բավարար պատճառների բացակայություն)

Թիվ	Գանգատ թիվ Ներկայացման ամսաթիվը	Դիմումատուի անունը Ծննդյան ամսաթիվը	Ներկայացուցչի անունն ու գտնվելու վայրը	Կառավարության հայտարարությունն ստանալու ամսաթիվը	Դիմումատուի հայտարարությունն ստանալու ամսաթիվը	Յուրաքանչյուր դիմումատուին նյութական եւ ոչ նյութական վնասի եւ ծախսերի ու ծախքերի համար շնորհվող գումարը (եվրոյով) ¹
1.	25968/16 28.04.2016թ.	Վահագն ԴԱՎԹՅԱՆ 06.08.1973թ.	Բեյրության Քրիստինա Էջմիածին	30.03.2020թ.	30.06.2020թ.	1 000
2.	47326/16 28.07.2016թ.	Արթուր ՂԱԶԱՐՅԱՆ 08.03.1989թ.	Սաֆարյան Սեդա Երեւան	19.03.2020թ.	27.03.2020թ.	1 500
3.	63391/16 20.09.2016թ.	Բորիս ՎԱՆՅԱՆ 23.08.1997թ.	Սաֆարյան Սեդա Երեւան	19.03.2020թ.	27.03.2020թ.	1 000
4.	70937/17 12.09.2017թ.	Արտակ ՀՈՎՀԱՆՆԻՍՅԱՆ 14.08.1982թ.	Ղարազյոզյան Արա Երեւան	27.02.2020թ.	28.04.2020թ.	1 000

¹ Գումարած դիմումատուներից գանձման ենթակա ցանկացած հարկ: